

आकाशवाणी

खास-खास खबरां----

- प्रधानमंत्री नरेन्द्र मोदी होर छत्तीसगढ़ दे रायपुर च पुलिस महानिदेशकें ते महानिरीक्षकें दे 60में कुल भारत सम्मेलन दी अध्यक्षता करा करदे ना।
- सिविल हवाबाजी दे महानिदेशक होरें A-320 श्रृंखला दे जहाजें दी डोआरी पर आरजी तौरा पर रोक लाई दिती ऐ। इस श्रृंखला दे दुनिया भरै च कोई 6 जहार जहाज चलदे ना।
- संगारें शुरु होआ रदे संसद दे स्याले आले इजलास कोला इक रोज पैहले सरकारै कल सबभनें पार्टियों दी इक बैठक सद्दी ऐ।
- प्रधानमंत्री नरेन्द्र मोदी होर कल बडुलै 11 बजे आकाशवाणी पर मन की बात कार्यक्रम च अपने विचार लोकें कन्नै सांझे करगंन।
- चक्रवाती तूफान दिक्वाह गी ध्यानै च रखदे होई मौसम विभाग नै तमिलनाडू- पुडुचेरी ते आंध्र-प्रदेश लेई रैड अलर्ट जारी कीता ऐ।
- पैहली बारी टी 20-विश्व कप जितने आली भारतीय नाबिना महिला क्रिकेट टीम नै अज्ज राष्ट्रपति द्रौपदी मुरमू हुंदे नै मुलाकाता कीती।

<><><><><><>

**PM -Raipur Police Meet**

प्रधानमंत्री नरेन्द्र मोदी होर छत्तीसगढ़ च पुलस महानिदेशकें ते महानिरीक्षकें दे 60में अखिल भारतीय सम्मेलन दी अध्यक्षता करा करदे ना। ओह कल बी सम्मेलन दे बक्ख-

बक्ख सत्रें च हिस्सा लैगंन। 3-रोजा एह सम्मेलन कल रायपुर स्थित भारतीय प्रबंधन संस्थान च शुरु होआ जेहदा गृहमंत्री अमित शाह उदघाटन कीता हा। इस मौके पर गृहमंत्री होरें आखेया हा जे एह सम्मेलन मुख्य दी अदरुनी सुरक्षा चुनौतियों गी हल करने आस्तै इक महत्वपूर्ण मंच ऐ- जेहदे च समस्या ते चुनौतियों दी पंछान करने थवां लेइयै रणनीति ते नीतियां बनाने तगर दा कम्म शामिल ऐ। उनें दस्सेया जे पिच्छले 11 बरे च कट्टरपंथ- उग्रवाद- विद्रोह ते नशीले पदार्थें खिलाफ अभियानें च भारत नै सफलता हासिल कीती ऐ ओहदे कन्नै पुलस दी दलेरी-हिम्मत ते जज्बा साफ नजरी औंदा ऐ। शाह होरें आखेया जे प्रधानमंत्री हुंदी अगुआई आहली सरकार नै त्रै प्रमुख चुनौतियों जिन्दे च नक्सलवाद-पूर्वोत्तर ते जम्मू-कश्मीर च पैदा चुनौतियां बी शामिल न दा हल करने लेई स्थाई हल दिते ना।



## Rajnath Uttrakhand

रक्षामंत्री राजनाथ सिंह होरें आखेया ऐ जे भारत जिस रफ्तार कन्नै तरक्की बादे दे बत्ता पर अगड़े बदा करदा ऐ- उसी दिक्खदे होई नौजवानें दा उत्साह बनाए रखना बड़ा जरूरी ऐ। अज्ज उत्तराखंड दे मसूरी स्थित लाल बहादुर शास्त्री राष्ट्रीय प्रशासन अकैडमी दे 100में मूल पाठ्यक्रम दे समापन समारोह गी सम्बोधित करदे होई उनें ए गल्ल आखी। रक्षामंत्री होरें आखेया जे भारत गी 2047 तगर जेकर इक विकसित राष्ट्र बनाना ऐ तां एदे लेई असेंगी इस गल्लै पर ध्यान देना होग जे समाज दा हर-इक वर्ग इस विकास यात्रा च बरोबर दा भ्याल बनै। उनें आखेया जे 2047 च जंदू भारत इक विकसित मुख्य बनी गेदा होग- केई महिलां ओल्लै तोड़ी कैबिनेट सचिव दे ओहदे तगर पुज्जी गेदियां होगंन-

जेडी इस गल्ला दी सारत ऐ जे भारत दी नारी शक्ति देशा दे विकास च बरोबर दी भ्याल बनने लेई पूरी चाली त्यार ऐ।

<><><><><><>

## DGCA

सिविल हवाबाजी दे महानिदेशक होरें मुल्खा च A-320 श्रृंखला आले हवाई जहाजें दियें डोआरियें उप्पर आरजी तौरा पर रोक लाई दिती ऐ- जिस्सलै तोड़ी इंदे च लोडचदे लाजमी सुरक्षा बदलाव करने दा कम्म मुकम्मल नेंई होई जंदा। जारी निर्देश A-318, A-319, A-320, A-321 जहाजें लेई जारी कीता ऐ। ए फैसला जहाज कम्पनी दे दुनिया भरै च जारी निर्देश दे मगरा लैता गया ऐ- जेदे च आखेया गया हा जे A-320 श्रृंखला दे जहाजें च सौलर रेडिएशन दा खतरा महसूस कीता गया ऐ। इस श्रृंखला दे दुनिया भरै च कोई 6 जहार कोला मते जहाज न ते मेद ऐ जे इंदे च लोडचदे सुरक्षा बदलाव 2 या 3 दिनें दे अंदर-अंदर करी लैते जागंन।

<><><><><><>

## Winter Session

अंतरू संगारै पैहली दिसम्बर गी शुरु होआ रदे संसद दे स्यालै आहले इजलास कोला इक रोज पैहले- सरकारै कल सब्बनें पार्टियें दी बैठक सददी दी ऐ। बैठका च संसदीय मामले दे मंत्री किरें रिजिजू होर संसद दे दौन सदनें दी बक्ख-बक्ख सियासी पार्टियें दे लीडरें कन्नै गल्लबात करगंन ते संसद दी कारवाई रमानदारी ते बवस्था आहले ढंगै सिर चलाने लेई उन्दा सहयोग मंगगन। इस सोशल मीडिया पोस्ट च किरें रिजिजू होरें विरोधी धड़े

दिणं पार्षिये अगे अपील कीती ऐ जे ओ दौनें सदनं दी कारवाई च सहयोग देन तां जे आम जनता ते देश दे हितै च महत्वपूर्ण फैसले ते सोच-विचार कीता जाई सकै। संगारै शुरु होआ रदा संसद दा एह स्यालै आहला इजलास 19 दिसम्बर तोडी चलोग।

<><><><><><>

## Announcement

संसद दा स्यालै आला इजलास जेहडा पैहली दिसम्बर 2025 गी शुरु होई रदा ऐ। एदी पैहलकी संजा कल आकाशवाणी दा समाचार सेवा प्रभाग इक विशेष कार्यक्रम हिंदी च “संसद के समक्ष मुद्दे” ते अंग्रेजी च Issues Before Parliament प्रासारित करोग। Issues Before Parliament कार्यक्रम आकाशवाणी दे Rainbow ते बाददू मीटरें पर जिस्सलै जे “संसद के समक्ष मुद्दे” कार्यक्रम आकाशवाणी गोल्ड ते बाददू मीटरें पर कल रातीं साड्डे 9 बजे कोला लेइयै 10 बजे तगर सुनेया जाई सकदा ऐ। एह दवै कार्यक्रम साढी वैबसाईट [newsonair.gov.in](http://newsonair.gov.in) ते साहड्डे यू-ट्यूब चैनल [newsonair](http://newsonair) आफीशल पर बी उपलब्ध होग।

<><><><><><>

## PM MKB

प्रधानमंत्री नरेंद्र मोदी होर कल 30 नवम्बर गी अपने रेडियो कार्यक्रम “मन की बात” दे राणं देश-बदेश च रौहने आहले श्रोताएं कन्नै अपने बचार सांझे करडन्ना। हर म्हीने दे खीरले ऐतवारें दिनै 11 बजे प्रसारित होने आहले इस कार्यक्रम दी एह 128मीं किश्त

होगा। एह कार्यक्रम आकाशवाणी समाचार दी वैबसाईट newsonairmobile ऐप्प पर बी प्रसारित कीता जाग। एहदे कन्नो-कन्नो एह प्रोग्राम आकाशवाणी समाचार, DD News, प्रधानमंत्री हुं'दे दफ्तर ते सूचना ते प्रसारण मंत्रालय दे यू-ट्यूब चैनलें पर बी प्रसारित कीता जाग। आकाशवाणी जम्मू पर मन की बात दे तुरत मगरा एहदा डोगरी भाषा च अनुवाद प्रसारत कीता जाहग। डोगरी अनुवाद स्हाड़े श्रोता कल राती 8 बजे इक बारी परतियै सुनी सकदे न। आकाशवाणी दे क्षेत्रीय समाचार एकांश कल्लै दे मन की बात कार्यक्रम पर इक विशेष परिचर्चा रातीं साड्डे 10 बजे प्रसारत करोग जिसी तुस स्हाड़े इस्से चैनल मिडीयम वेव 303 मीटर यानि 990 किलोहार्टस ते एफ.एम. 100.3 मैगाहार्टस पर सुनी सकदे हो।

<><><><><><>

## ECI App

भारतीय चुनाव आयोग नै सब्बनें नागरिकें अगगे आह्वान कीता ऐ जे ओ ECI नैट ऐप्प डाउनलोड करन ते इसी होर मते लोकें आसेया इस्तेमाल करने दे अनुकूल बनाने लेई अपने सुझाव देन। कोई बी भारतीय नागरिक अगले महीने दी 27 तरीक तक्कर इस ऐप्प पर “Submit a Sugesstion” टैब दा इस्तेमाल करियै अपने सुझाव देई सकदा ऐ। आयोग नै आखेया जे लोकें आसेया दिते जाने आले सुझाएं दी जांच कीती जाग ते इस प्लेटफार्म गी लोकें दे इस्तेमाल लेई होर मता सखल्ला ते सुविधाजनक बनाने लेई सुधार कीता जाग। ECI Net प्लेटफार्म दी अधिकारिक तौरा पर शुरुआत औंदे बरे दे शुरु च कीते जाने दी मेद ऐ।



## SIR WB

पच्छिम बंगाल च मतदाता सूचियें दी नमें सिरेया नजरसानी SIR दी जारी प्रक्रिया च लगभग 15 लक्ख 53 ज्हार ऐसे मतदाताएं दे नाएं दी पंछान कीती गई ऐ जिंदी मौत होई चुकी दी ऐ। 6 लक्ख 45 ज्हार गणना पत्रें दा डिजिटलीकरण करी लैता गेदा ऐ जिस्सलै जे 7 लक्ख 65 ज्हार गणना पत्र बंडे जाई चुके दे ना। इस्सै दौरान राज्य दे मुख चुनां अधिकारी मनोज कुमार अग्रवाल होरें अज्ज SIR पर वर्चुअल ढंगै कन्नै समीक्षा बैठक दी अध्यक्षता कीती- जेदे च सब्भै जिला निर्वाचन अधिकारी शामिल होए। चुनाव आयोग नै पच्छिम बंगाल दे पुलिस महानिदेशक होरें गी आखेया जे ब्लाक सतह दे अफसरें यानि BLOएं ते राज्य च SIR प्रक्रिया कन्नै जुडे दे होरनें कर्मचारियें दी सुरक्षा गी यकीनी बनाया जा। आयोग नै कोलकाता दे पुलिस कमीशनर कोला पच्छिम बंगाल दे मुख निर्वाचन अधिकारी ते उंदे दफ्तर दे होरनें कर्मचारियें दी सुरक्षा दे मुद्दे पर बी रिपोर्ट मंगी ऐ। एह रिपोर्ट कोलकाता च इस हफ्ते दे शुरु च मुख निर्वाचन अधिकारी दे दफ्तर दे बाहर BLO एं दे इक ग्रुप दे विरोध-प्रदर्शन दे बाद मंगी गई ऐ।



## Cyclon Ditwah

गोआंडी मुख च तबाही मचाने दे बाद चक्रवाती तूफान दित्वाह हून उत्तरी तमिनाडू-पुडुचेरी ते कन्नै लग्गदे दक्खनी आंध्र-प्रदेश दे समुन्द्री कंडे आली बक्खी अगडा बदा करदा ऐ- जिसी ध्यानै च रखदे होई मौसम विभाग नै इनें इलाकें च भारी बरखा दी

पेशनगोई करदे होई रैड अलर्ट जारी कीता ऐ। मौसम विभाग नै आखेया जे कल बडुलै तूफान दे उत्तरी तमिनाडू- पुडुचेरी ते आंध्र-प्रदेश पुज्जी जाने दे आसार ना। मछेरें गी सलाह दिती गेदी ऐ जे ओ मच्छिया फडने लेई अतरु सोमवारें तोड़ी समुन्द्रै च नेंई जान। ऐहतिहात दे तौरा पर तमिनाडू च रेल ते ब्हाई सेवाएं गी बंद रखेया गेदा ऐ। तोंआई चक्रवाती तूफान प्रभावित श्रीलंका गी भारत नै मदाद भेजी ऐ। विदेशमंत्री डाक्टर एस. जयशंकर होरें दस्सेया ऐ जे अज्जै तोड़ी 27 टन राहत सामग्री कोलम्बो भेजी दिती गेदी ऐ- जिस्सलै जे 80 सदस्यें आली NDRF दी इक बचाव टीम बी राहत ते बचाव कम्मे च सहयोग लेई उत्थे भेजी गई ऐ। श्रीलंका च चक्रवाती तूफान दित्वाह कारण मरोने आहलें दी गिनतरी 123 तोड़ी पुज्जी गई ऐ ते 3 लक्ख 70 ज्हार कोला मते लोक बक्ख-बक्ख जिलें च प्रभावित होए ना।



## President Blind T-20

राष्ट्रपति द्रौपदी मुरमू होरें अज्ज पैहली बारी टी-20 विश्व कप जितने आली भारतीय नाबिना महिला क्रिकेट टीम कन्नै मुलाकात कीती। इस मौके पर टीम दी तरफा राष्ट्रपति होरें गी दस्तख्त कीते दा इक क्रिकेट बैट भेंट कीता गया। द्रौपदी मुरमू होरें दिक्खने च कासर महिला टी-20 टीम गी विश्व कप जितने पर मुबारकबाद दिती ते आखेया जे उंदी ए कामयाबी होरनें गी बी अपने जीवन ते करियर च नमियां ऊंचाइयां छूने लेई प्रेरणा देग। राष्ट्रपति द्रौपदी मुरमू होरें टीम आसेया भेट कीती गेदी इक क्रिकेट गेंद पर दस्तख्त बी कीते।



## PMML Accession

प्रधानमंत्री अजैबघर ते पुस्तकालय PMML थमां दुनिया भरै दे शोधकर्ताएं लेई विरले आलेख संग्रहे तोड़ी पुज्ज हून होर सखल्ली होई गई ऐ। संस्कृति मंत्रालय मुजब डिजिटल आरकाइव तगर पुज्ज गी असान बनाने लेई इक I.T मंच तयार कीता गया ऐ जेहदे राएं पंजीकृत शोधकर्ता हून इनें दस्तावेजें गी ऑनलाईन दिक्खी सकदे न। इस डिजिटल आरकाइव दी शुरुआत बेशकीमत ऐतिहासिक संसाधनें दी सुरक्षा ते दुनिया भरै दे शोधकर्ताएं दे विद्वानें तोड़ी पुज्ज बधाने लेई टेक्नालोजी दा लाह ठोआने च इक बड्डी ते महत्वपूर्ण उपलब्धि ऐ। PMML च केंई अनोखी ते बिरली अभिलेख सामग्री दा दुनिया दा सब्भनें शा बड्हा संग्रह ऐ जेहदे च इक ज्हार 3 सौ कोला मते लोकें ते संगठनें सरबंधित ढाई करोड़ कोला मते दस्तावेज शामिल न।

<><><><><><>

## Russia Ukrain War

यूक्रेन दे राजधानी आले शैहर कीव च कल रातीं रुस आसेया कीते गेदे केंई ड्रोन ते मिसाइल हमलें च घट्टो-घट्ट 3 लोक मारे गे न ते 29एं दे घायल होने दी मेद ऐ। कीव दे मेयर विटाली क्लिटस्को होरें दस्सेया जे राजधानी क्षेत्र च महत्वपूर्ण बुनियादी ढांचे ते रिहायशी इलाकें गी निशाना बनाइयै कीते गेदे हमले दे बाद 6 लक्ख कोला मते लोकें गी बिजली बंद होने कारण कठिनाई दा सामना करना पेया। यूक्रेन दे ऊर्जा मंत्रालय नै आखेया जे इन्दे चा 5 लक्ख कोला मते लोक छडे राजधानी आले शैहर ते बाकी कन्नै लग्गदे होरनें इलाकें दे न- जिनेंगी बिजली संकट दा सामना करना पेया। रुस नै क्रीमिया

टापू ते आजोव समुन्द्र दे आले-दोआले यूक्रेन दे 103 कोला मते ड्रोन तबाह करने दा बी दावा कीता ऐ।

<><><><><><>

## CEA GDP

मुल्खा दे मुख्ख आर्थिक सलाहकार वी. अनंत नागेश्वरण होरें आखेया ऐ जे मुल्खा च चला करदे ढांचागत सुधार- स्थिर आर्थिक नीतियों दे समर्थन कन्नै अर्थबवस्था च मजबूती आवा करदी ऐ। जुलाई कोला लेइयै सितम्बर महीने लेई सकल घरेलू उत्पाद जी.डी.पी. दा अनुमान जारी होने दे बाद मीडिया गी सम्बोधित करदे होई उनें आखेया जे श्रम कानूनें गी लागू करने जी.एस.टी दी दरें गी युक्ति संगत बनाने ते नमीं व्यक्तिगत इंकम टैक्स बवस्था जनेहियें पैहलकदमियें कन्नै देश तेजिया कन्नै अगड़े बदा करदा ऐ। मंहगाई पर काबू ते सार्वजनिक आर्थिक खर्चे ते लगातार सुधार दी रफ्तार कन्नै भारत कुल संसारी ते घरेलू चुनौतियें दा असरदार ढंगै सिर मकाबला करने दी स्थिति च ऐ।

<><><><><><>

## Weather Update (Byte)

जम्मू-कश्मीर च अगले 4 दिनें दे दरान तापमान च 1 शा 2 डिग्री सैल्सियस तगर दी होर कमी आई सकदी ऐ। मौसम विभाग मूजब औंदी 2 दिसम्बर गी खासकरियै दपैहरी लै मौसम बदलोखड़ा बने दा रौहगा। ऊआं 3 ते 4 दिसम्बर गी मौसम साफ रौहगा। एहदे मगरा 5 दिसम्बर गी दपैहरी दे बेल्लै फ्ही बददल घनोई सकदे न ते इस दरान कश्मीर च मती सारी थाहरें ते जम्मू खित्ते दे किश इलाकें च हलके थमां दर्मेयाने दर्जे दी धुंध पेई

सकदी ऐ। इस अवधि दरान किश इलाकें च रातीं दे तापमान च गिरावट दर्ज कीती जाहगा।

<><><><><><>